



Broj: 01/13-04-3251-4/26
Sarajevo, 05.06.2026. godine

Na osnovu Plana održive urbane mobilnosti Kantona Sarajevo (SUMP), broj 01-GV-02-1292/20 od 30.12.2020. godine, usvojenog na 45. sjednici Gradskog vijeća Grada Sarajeva, Javnog poziva za izražavanje interesa poslovnih subjekata za učešće u procesu subvencioniranja kupovine sportsko-rekreativnih bicikala za građane grada Sarajeva, broj 01/13-04-3251/26 od 29.04.2025.godine, te u cilju nastavka implementacije mjera održive urbane mobilnosti i aktivnosti koje doprinose smanjenju emisija CO₂ i unapređenju održivog saobraćaja, a u skladu sa obavezama preuzetim kroz Klimatski ugovor za Net Zero (Climate City Contract), u okviru Misije klimatski neutralnih i pametnih gradova, gradonačelnik Grada Sarajeva raspisuje:

JAVNI POZIV

za subvencioniranje kupovine sportsko-rekreativnih bicikala za građane grada Sarajeva

PREDMET JAVNOG POZIVA

Predmet Javnog poziva je dodjela subvencija građanima grada Sarajeva za kupovinu sportsko-rekreativnih bicikala, s ciljem poticanja održive urbane mobilnosti, unapređenja kvaliteta zraka, promocije zdravih stilova života i podizanja svijesti o važnosti korištenja bicikla kao ekološki prihvatljivog prijevoznog sredstva.

CILJ JAVNOG POZIVA

Cilj Javnog poziva je potaknuti građane grada Sarajeva na korištenje bicikla kao alternativnog, ekološki prihvatljivog i zdravog oblika prijevoza kroz finansijsku podršku za kupovinu sportsko-rekreativnih bicikala.

Na ovaj način Grad Sarajevo nastoji doprinijeti:

- smanjenju zagađenja zraka i buke u urbanim sredinama;
- poboljšanju zdravlja i kvaliteta života građana;





- promociji održivih oblika mobilnosti;
- razvoju biciklističke kulture i povećanju upotrebe bicikla kao svakodnevnog prijevoznog sredstva.

PRAVO UČEŠĆA NA JAVNOM POZIVU

Pravo učešća na Javnom pozivu imaju punoljetna fizička lica koja ispunjavaju sljedeće uslove:

1. Imaju prijavljeno prebivalište ili boravište na području jedne od četiri gradske općine Grada Sarajeva:
 - Općina Centar Sarajevo;
 - Općina Stari Grad Sarajevo;
 - Općina Novo Sarajevo;
 - Općina Novi Grad Sarajevo;
 -
2. Podnesu urednu i potpunu prijavu u predviđenom roku putem online obrasca dostupnog na na sljedećem linku:
<https://forms.gle/cNjthiJrYxTs7dH4A>

Napomena: Pravo na subvenciju za kupovinu sportsko-rekreativnih bicikala može se ostvariti samo jednom po fizičkom licu u okviru ovog Javnog poziva.

FINANSIJSKA SREDSTVA PREDVIĐENA ZA REALIZACIJU

Za realizaciju projekta subvencioniranja kupovine sportsko-rekreativnih bicikala Grad Sarajevo je osigurao sredstva u Budžetu Grada Sarajeva za 2026. godinu, na budžetskoj poziciji 613 900: Implementacija mjera iz Plana održive urbane mobilnosti KS i Grada Sarajevo (SUMP), u iznosu od 15.000,00 KM.

Visina subvencije po korisniku iznosi 200,00 KM.

Vaučer se ne može zamijeniti za novac, prenijeti na drugo lice, niti koristiti za kupovinu opreme, dijelova ili drugih roba i usluga.

BROJ VAUČERA

Ukupan broj vaučera koji će biti dodijeljen iznosi 75.

Vaučeri će se dodijeljivati prema redoslijedu zaprimljenih prijava koje ispunjavaju uslove Javnog poziva, sve do utroška raspoloživih sredstava.

NAČIN I ROK PRIJAVE

Prijava na Javni poziv vrši se isključivo putem online obrasca dostupnog na zvaničnoj web stranici Grada Sarajeva: www.sarajevo.ba.



Podnosilac prijave je obavezan:

- u potpunosti popuniti online prijavni obrazac;
- dostaviti tačne i potpune podatke;
- prijavu podnijeti u roku utvrđenom Javnim pozivom.

Prijave se mogu podnositi od dana objave na web stranici Grada Sarajeva a najkasnije do 19.06.2026. godine.

Prijave dostavljene nakon isteka roka, kao i nepotpune prijave, neće biti uzete u razmatranje.

OBJAVA REZULTATA

Konačna lista korisnika subvencije bit će objavljena na službenoj web stranici Grada Sarajeva.

DODATNE INFORMACIJE

Za tehničku podršku i dodatne informacije zainteresovani građani mogu se obratiti putem e-mail adrese: lejla.beslagic@sarajevo.ba ili na broj telefona **+387 33 221 129**, radnim danima u periodu od **9:00 do 11:00 sati**.

GRADONAČELNIK GRADA SARAJEVA

s.r.Samir Avdić